










道

藏

30



第三〇册

道藏

李一氓



文物出版社
上海书店
天津古籍出版社

道法會元卷之一百六十

京五

上清天蓬伏魔大法

禹步斗罡天策論

夫步罡者乘於正炁以禦物訣目者生於神機而運化修仙鍊真降魔制邪莫不基之於此其禹步者法乎造化之象日月運行之度也一月一交一交三旬三旬者盈數也一時三月九旬是以一步一交三迹象一時也並足象天地交也先舉左足者應叶春秋之步先舉右足者應叶冬夏之步春夏之孟陽神也秋冬之孟陰神也故生殺制禦用春秋收藏積聚用冬夏又云三步九跡者法象三光九炁也十二跡者法於律呂也又十五跡者法三五之數也因用制宜存乎法訣而稱禹步者大禹治水而成厥功天授此步以制神靈誅斬穢伐因名禹步焉

淨身咒

凡步罡履斗先變神次存三元五德將軍功曹吏兵侍衛森列然後發步經云能以神存心步則不必履斗但次第念呪可也

吾以月洗身以日鍊真仙人輔己玉女佐形二十八宿與吾合併千邪萬穢遂然而清急急如律令

左手掐紫微訣右手掐天罡訣取此炁吹於身

藏身咒

吾是天目與天相連晴如雷電光耀八極微見表裏無物不燭急急如律令

右用左三鬼印右七鬼印存帝席斗九星於泥丸宮現默念下呪

三鬼七鬼呪


三鬼將軍七鬼童子衛我步斗願過天關毋令誤事急急如律令

又呪曰

吾受天師正心寶印佩帶隨身自然通幽達冥上徹九天吾行禹步得道升仙三鬼佐衛七鬼隨行不出不入永保長生急急如太上變神律令敕

天授禹步既濟未濟斗罡

既濟斗罡 陽日用



未濟斗罡 陰日用



右禹步訖左右手山字訣念呪

普護呪

乾尊耀靈坤順內營二儀交泰六合利亨配天享地永寧肅清應感元皇上承下蒙震登艮興坎潤離明巽旺兌生虎步龍驤天門地戶人門鬼路衛我者誰昊天是蒼今日禹步上應天罡鬼神賓伏下辟不祥如求如願萬靈莫當救吾身中五苦八難九厄百病千災萬禍凶神惡鬼圖謀口舌天羅地網年殃月耗並行攝捉押赴魁罡誅滅受死入地千尺無動無作急急如律令敕

拆斗呪


北斗靈靈斗柄前星貪狼操惡食鬼吞精巨
門烜赫照耀光明祿存吐霧統領天兵霞衝
文曲光耀廉貞威臨武曲真人輔星天罡大
聖破軍尊星鬼妖蕩盡人道康寧急急如
北斗七元星君律令敕

七星罡



右九步斗罡先以左足橫右足直又移前
足橫右足直又再步換橫作直直作橫一
二偏作丁罡立如七星也後又步七星罡
從魁至魁


又七星斗罡



右步七星從第一魁星至第七魁星謂之
順行反回七星至第一星謂之復從又自

第一星至第七星謂之反行一系運息作
意反順履步罡斗鬼神歸欽邪魔敬伏在
依法而行焉


禹步九跡罡



右念前呪手剔足步自一至九復立于中
九跡罡呪

白然混沌灌我形禹步相催登陽明天迴地
轉步七星躡履我斗躡九靈衆神助我斬妖
精惡逆摧伏邪魔傾萬災消滅我長生得道
飛昇享利貞急急如律令

九鳳雷火破穢斗罡



破穢罡呪

九鳳破穢邪精滅亡天將騎吏徑下雲綱斗
轉星移激灑三光上應九天下統九地雷公

霹靂風雲際會畢滿十方乾坤定位萬邪不
干衆神侍衛急急如


九鳳破穢真人律令敕

凡入壇朝謁先當破穢使形體清潔慎勿
反顧其法先存九鳳真人一人朱衣皂幘
朱履立頭上有丹鳳九頭吐火炎炎繞身
步罡發訣存神行用

陰陽豁落斗

凡步此斗務先存神叩齒左手掐丑文想
履斗將吏在前結斗印捧心右手劒訣又
腰背斗向罡立念呪至履天英方入斗步
至九宮退罡中宮隱閉地戶望天門至天
罡而立

陰斗式 冬至後步此



陰斗呪


斗要妙者十二辰乘天罡者威武陳系繫
 方如浮雲九變動者上應天知變化者定吉
 凶契廣大者有區分入斗宿者過天關合六
 律者持甲乙履天英者乘天任清冷淵者可
 陸沈傍天柱者攤天心從此度者登天禽倚
 天輔者臨天衝入天內者出天蓬斗道通者
 剛柔濟添福祿者流後世出香冥者千萬歲
 一歌之後步六時九歌三步三百載急急如
 元斗步教律令

訣曰

戴九履一肘頭三七肩撲二四膝抵六八五
 為肚腹定為中黃觀兒端坐統攝八方縱橫
 步躡妙不可量

陽斗式


夏至後用此



斗罡呪

日月明乾坤配人道與鬼道廢吾從天蓬入
 天內畧過天衝逢輔退反歸天禽與心對把
 天柱者任英會斗道通行按純神人道通者
 鬼道礙千邪萬穢皆迴避急急如
 元斗步教律令

交乾斗



步斗訣

坎雙艮隻步交乾震上雙行兌亦然坤隻離
 單雙步異三台歸去上朝天

斗罡呪

乾元亨利貞日月敵吾形萬災不能干壽與
 天同齡急急如律令

步罡訖結紫微印誦呪存身來自鶴飄然
 直至天門朝謁帝君迷陳心意奏達然後
 旋身出斗

步斗法式

凡步斗以清旦日將出之時於潔淨地上
 步之或靜夜正中天星下向旺方念折斗
 呪存斗光下覆地上光芒炳耀次存己身
 如真人狀項生五色圓像光映十方即步
 斗罡八步凡呪八句以丁罡八字步左手

卯文藏袖中陽日左足在前陰日右足在
 前一云春夏陽斗秋冬陰斗凡步至自己
 本命星上但以足尖點過不得實步否則
 罰剋人之壽筭步斗時念北斗靈靈斗柄
 前星至破軍尊星呪盡以脚踢起斗於頭

上罡星指前次收脚緊踏立第六星向罡
 星誦天罡呪七徧祝云

上告天罡大聖破軍尊星誅鋤兇惡滅跡除
 形所求如願使臣身中五苦八難九厄百病
 千災萬禍兇人惡鬼年衰月耗並行攝赴魁
 罡之下受死毋動毋作俾令所患立獲痊安
 右想邪炁入地無有蹤跡即自斗外轉身
 步三台入斗口丁立後出斗即取吾身在
 地上之義也

財斗法

凡夜卧後寃神飄蕩軀殼空然何有神而守衛夜卧之時先須靜定端坐存貪狼星在肩上叩齒一通密呪曰

陽明大魁玄極文昌使我冤鬼俱遊天罡

右存頂出青炁一道直下灌入口中吞下

次存巨門星在額叩齒七通密呪曰

陰精北極太上璇璣使我冤鬼與日相隨

右存黑炁入口吞之次想祿存星在頭上叩齒一通密呪曰

天靈節榮願保長生太玄之一守其真形五臟神君各保安寧

右存青炁下注口中吞之次想文曲星在頂上叩齒一通密呪曰

玄冥瑤光紫微太陽使臣冤鬼俱行玉堂右存青炁入口吞之次想廉貞星在背上叩齒一通密呪曰

丹元紫宮太上辰星使臣冤鬼俱過神津右存紫炁如絲入口吞之次想武曲星在腰上叩齒一通密呪曰

俗居小人好道求靈願見尊儀永保長生


右存紫炁入口吞下復存破軍星在指足叩齒一通密呪曰

天帝釋章佩帶天罡五方光慈之鬼何不消亡飛仙一吸萬鬼伏魔

右存赤炁入口吞下存光明照耀鬼定神寧然後安息而卧

三步丁罡

大輪罡



大輪罡



大輪罡


朱陵使者北斗神真六甲童子大輪將軍吾左輔青龍大將右輔白虎大神朱雀玄武神將左右常衛吾身呼吸一口光耀八門急急如律令敕

飛神入斗訣

先步斗自柄入斗口回至柄踢斗單身再步入斗口三禮俯伏存神如注出五色雲

炁已身乘之舌為金橋如長虹直入斗中已身乘炁登橋至斗口見光明煥耀其中有玉樓金階默呼四直使者下降檢度訖良久有紫雲異香紫色光入戶乃斗內星君下降切忌男女孝服腋氣犯月血傷汚穢師巫卜筮妬心技術之徒猶犬鷄鵠觸犯則行持無驗

八卦斗罡



訣曰

巽雙離雙使坤單步震上單行兌亦雙艮上獨行坎一隻天門雙立望天罡

右罡乃是八跡十二步乃天地日月四時之行九宮八卦之總大道之元炁也

出斗呪

五行相催剛劒持威六甲輔我三台辟非天迴地轉旋斗歷箕左旋出斗陰陽開闢長生

度世日月同輝急急如律令

右存真炁還歸天上左手掐卯文兩手捧
天罡向天門出次還斗

還罡咒

昇斗還罡羣妖滅亡吾行禹步衆邪伏藏急
急單踢魁斗傾光急急如律令

收斗罡訣

開天門閉地戶留人門塞鬼路後過至

歸天門自寅順至亥

出地戶自亥至巳皆消衆禍皆滅

羅四山自二指輪至

起罡步自第五指壓辰提起斗吸

太乙呪

吾是洞中太乙君頭戴七星步四靈手執金
刀巽上立連運巡離直至坤兌望震宮須結

界分外不得停妖氛禹步魁罡至乾亥遙向
天門謁帝君三步九跡登明星三災九厄並
離身急急如律令敕

右呪畢步三台望天門而退身

藏身剔斗罡呪

天蓬持玉尺太乙捧金鈴號令行三界祛伐
用六丁變龍吐猛火黑煞洞淵兵解啞諸神
將霹靂徧天廷三十六員將火速護吾身吾
今入斗罡飛身謁帝君急奉上帝敕火速現
真形

斗罡



罡呪

一鬼入貪狼二鬼巨門鄉三鬼祿存裏四鬼
文曲方五鬼廉貞位六鬼武曲堂七鬼破軍
上三鬼附魁罡若有犯吾者翻身入斗感急
急如律令

禹步通真訣

夫天斗之妙在乎十二辰契大化之數乘
機衡之要以歷八門也或出死入生制魔
誅逆應權而用之首冬一陽也自天英而
出天蓬首夏一陰也自天蓬而出天英假
令冬至子時變白鶴真人叩齒閉炁以左

足躡天英右足立天柱移前左足並右足
爲一步次左足躡天柱右足立天心次移
前左足並爲兩步次左足立天禽右足立
天輔以前左足並爲三步坎離相濟而九
步見矣次左足立天衝右足立天內復左
足登天蓬自天蓬步自奇門

履斗呪

衆天罡步九元復九斗而行飛仙得天心
方萬神歡隱形藏影變萬端敢有干試繫斗
門掃除不祥朝正真明分左極煥火鈴右揮
靈幡威鬼神光騰萬里嘯歌前玉帝敕命頒
三界萬神聽靡不如言

夫履斗之法叩齒乘罡若踏太虛也而出
奇門假如夏至日子時變神誦呪如前式
以左足立天蓬右足立天內移前左足並
右足爲一步次左足立天衝右足立天輔
以前左足並右足爲兩步次左足立天禽
右足立天心移前左足並右足爲三步陰
陽隔而未濟九跡也次左足立天柱右足
立天任次左足立天英之上叩齒乘罡步

斗而出奇門也且飛罡躡紀之道幽深玄遠若達乎三奇九真之妙不必出天蓬天英二星但立天罡所指之地向其方步七元罡亦能絕鬼怪之靈響矣

明光樞要訣目

祖師心傳訣目通幽洞微名神禦鬼要在於握訣默運虛元因目之爲訣也

玉清訣又名玉帝訣

左手大指拍中指中節中文

上清訣

左手大指拍中指上節

太清訣

左手大指拍中指下節

北帝訣

左手大指拍中指中節左側

本師訣

兩手大指拍第二指根存見本師

紫微印又名伏邪印又名獸印

以小指從四指背過中指勾定大指拍第四指第三節中指拍掌心橫文直二指四

指化身爲北帝指揮一切鬼神及召三十六將以此印纂脇下合三台諱指揮強邪惡神降伏惡鬼拍二節名天罡印拍第一節名斗印拍第二節外爲真武印拍煞文爲伏魔印

丁甲印

以大指壓中指拍乾上四指壓大指

都監訣

大指壓二三指拍乾上四五指壓大指

變神訣

以小指從四指背過入中指勾定大指拍

中指中節直二指變神時從胸前上面上

左右巡邏

元帥訣

左手以大指點第二指一二三四節默念

魁魁魁魁復以第二指點大指一二三默

念魁魁魁再以大指拍住煞文

元帥印

以五指從四指後過中指勾定大指拍四指中節第二指拍虎口

都天大法主印

四指並拍掌心橫文大指拍寅文朝帝時

變神爲法主

大鈴印

小指從四指背過中指勾定大指拍第四

指中節第四指勾定大指中指曲第二指

拍虎口

天羅地網訣

以左手三四五指勾定右手三四五指右

手大指拍左手大指甲下以左右二指開

○

念咒畢即以二指相合撒向患家

迷魂臺訣一名三真印

兩手無名指於中指背交過二指勾定兩

中指背根靠直起以大指相交拍兩手小

指酉文

鷹訣

以大指壓第二指中指仍以大指拍四指

根直第四指第五指

犬訣

以四指拍大指根大指拍小指中節

二景印

以左右手中指各入大指根抵為圓圈次交兩手二指直兩手四指五指書日月華用之

都監印

以左手大指拍中指中節行符發兵用之

左手大指拍中指橫文曲第二指於大指下書符用之發兵自中指出

宜月五將訣

鍾師卯文寶耀午文伯拒酉文兵侯子文資寶煞文

都統符印

以左右手中指相勾二大指各拍兩四指上節二指五指皆直書本符用之

道法會元卷之一百六十

道法會元卷之一百六十一

上清天蓬伏魔大法

祈斗謝過品

夫人縈於情慾繁諸嗔癡一念罔明心欲為之不善者鮮矣多罹殃禍蒙咎不無欲

要除災解厄集靈延生當祭七元所祈必應不可邪心私構切懇用燈燭鮮果淨茶棗湯香花淨水油餅皂櫛各七數陳列羅布供獻用白粉雌黃書符念元帥呪書之

豎於每燈之頂各依次序排列以左手大

指自子至中指甲下拍定念七星名呪上

燈畢次淨心蕩穢上香三禮存北斗七星

各生光芒交錯混合下決己身以鼻引入

口中吹播上化為七星形狀獻茶湯上香

再拜祈禱又飛神遐想定法存真人自心

中出乘五彩雲霞回旋空漢有碧水金池

玉山萬頃中有瓊樓金闕玉階巍巍香

紫光交映默呼四直同八其中玉案之側

先見二使者至引導尊敬作禮階下八拜

陞階進前俯伏跪奏陳述事由畢次復上

京六

香再拜化錢馬雲鶴共七隻存向來七星乘紫煙雲炁復入斗中又上香以左手結天關印誦天蓬呪四十九遍或一百二十遍取罡炁以天關印於燈上良久看燈以驗凶吉

焰紅長吉

焰紅散吉

焰黃吉

焰赤吉

焰青短吉


焰散短吉

焰白災


焰黑不祥

右驗燈或五色具備光明大吉乃斗真下降之瑞兆也


七元禱符第一




第二




第三




第四




第五



第六



第七



七星爐呪

北斗靈靈斗柄前星貪狼操惡食鬼吞精巨
門烜赫照耀光明祿存吐霧統攝天兵霞衝
文曲光耀廉貞威臨武曲真人輔星天罡大
聖破軍尊星大風落落按令須停九州社令
食鬼之兵聞吾呪者頭破腦裂碎如微塵急
急如上帝律令敕

凡祭醮宜於靖室勿令六畜并婦人穢觸
天童護命運雷隱梵經法

太上太清皇老帝君噯風火雷兵赫叱大神
噯都盧尼耶噯黑煞那耶皇天生我皇地載
我日月照我星辰榮我諸仙舉我司命與我
太乙任我玉宸詔我三官保我五帝衛我魁
魁隨我天官傳我受法靈重地官有敕雷部
侍我水官有令火炁合迎諸龍聽我上徹玉

清嘖雷發聲玉帝有敕南辰佐我北斗輔我
金童侍我玉女從我六甲直我六丁進我天
門開我地戶通我山澤容我江河渡我風雨
送我岳神助我四聖輔我雷電隨我八卦導
我九宮遣我陰陽宗我五行扶我四時成我
噯咩咩叱披頭散髮各現真形天蓬元帥寶
印照我天猷元帥持戟衛我翊聖真君扶劍
守我玄天真武水火助我四清護我九龍繞
我甘雨從我雷火隨我閃電照我二十四炁
輪將直我吾身神光虛梵日月與天為誓魁
魁魁噯噯噯明神噯咩咩敕煞攝

頌曰

六十八句鬼神驚 不在清齋持素晨
欲得雷霆隨掌握 但誦天蓬一部經
噯噯叱咩噯噯噯星噯噯咩咩噯噯噯邪噯
噯然和中養三魂內育七魄雷公電母隨鼓
而擊銅牙鐵爪噯飛羽毛叱攝噯充南北攝
至東西臨體色反截遼飛空黃中理炁黑暗
蕩蕩振起斗牛神奔鬼愁三令閉塞六甲排
徊金神騰駕水郎大神水炁玄女火降離明

土安五宮日月朗明龍虎交橫風雨應生江河倒送山岳推傾衝天破地萬象興行所求者得所欲者合所謀者遂所向者成天罡大聖河魁尊神種種變化與道合真何神不使何令不行左有青龍右有白虎前有朱雀後有玄武上頂華蓋下躡魁罡神通光焰威鎮十方愛我者生惡我者殃謀我者死憎我者亡靈童神女破邪金剛三千六百常在我傍執節捧符與我同遊太上攝京天大吉昌二十四符與星歷俱驅龍跨虎收斬妖精稍有違令勝送雷霆急急速攝

頌曰

六十八句主雷權 勤誦斯經奉至尊
天關地軸運於掌 此係天童真妙詮
天昏地暗乘機此 皆誦天童經內篇
太上太清皇老帝君噯哪阿脩陀摩嚩哈
耶北帝黑煞嚴赫威神轟天霹靂攝乾元救
品救負風猛吏追風使者風伯道彰捍龍奔
虎風神疾興引雷使者電光發興風起巽戶
罡布箕星三台輔我飛雷震驚風伯雨師急

降黑雲雷公掣電所往無虞入海天門開入河地戶出九天敕令都天元帥噯欽火奉令五帝雷公陰陽雷公四令雷公六甲雷公霹靂雷公發水雷公八風雷公十雨雷公五道雷公掣電雷公興風雷公行雨雷公五嶽雷公四瀆雷公八節雷公六候雷公大川雷公溪口雷公江河雷公四海雷公鳴鼓雷公轟輪雷公火車雷公移山雷公拔樹雷公走石雷公興雲雷公洒雨雷公行雷雷公行霜雷公打瘟雷公驅邪雷公光明雷公黑暗雷公火印雷公破陣雷公金玉豐隆所求皆至世間珍寶由吾所聚天下鬼神受吾所驅有一不從雷斧速誅明離大神有功之日名書上清身中之神自然清靜泰玄保舉玉班有名前排力士後擁天丁驅雷霹靂飛走火鈴城隍社令不得久停噯囉薩吽驅役天丁五雷使者霹靂大神敕告奉行急急如太上皇老帝君律令

頌曰

八十九句合天真 驅雷役電鬼神驚

世人不解探玄義 徒閱琅函強欲靈
此經首出於天帥 雷匣由皇老帝君
若果誠心朝夕誦 丹臺應得列仙名
右經凡人病重解穰災禍用經內二十四符與前祈斗內法同用治救

天童經二十四符

除鬼怪符

青

甲子壬子戊
子丑春寅燕

穰惡夢符

福

乙丑巳丑癸
丑雨水寅燕

催生符


壽

丙寅庚寅甲
寅驚蟄辰燕

鎮宅除災符

三

丁卯辛卯乙




障厄患符

卯春分卯炁




鎮落水鬼符

戊辰壬辰丙辰清明辰炁




鎮女殃鬼符

乙巳癸巳丁巳穀雨巳炁



除妖魃符

庚午甲午戊午立夏午炁



療心風符

辛未乙未己未小滿未炁



鎮年災符

壬申丙申庚



鎮無主鬼符

申芒種申炁



鎮瘡鬼符

癸酉丁酉辛酉夏至酉炁




除毒物符

甲戌戊戌壬戌小暑戌炁



鎮官災符

乙亥己亥癸亥大暑亥炁




鎮口舌符

丁丑辛丑處暑丑炁



鎮神祠符

壬午丙午



鎮自死鬼符

庚子丙子立秋酉炁




治久病符

戊寅壬寅白露酉炁



解犯太歲符

己卯癸卯秋分酉炁




鎮年災符

庚辰甲辰寒露戌炁



鎮神祠符

辛巳乙巳霜降戌炁



鎮年災符

壬午丙午

五

壬子 亥 丑

撥水怪符

五

癸未 丁未 小 雪 亥 丑

鎮龍神符

水

甲申 戊申 大 雪 子 丑

鎮護身命符

林

乙酉 巳酉 冬 至 子 丑

辟惡保命符

真

丙戌 庚戌 小 寒 丑 寅

鎮見怪符

五

丁亥 辛酉 大 寒 丑 寅

一

呪曰

太乙北斗七元君救筆書符濟萬靈疫癘魔
精皆掃蕩病身隨此得安寧急急如
律令敕

五

右二十四符將病人年歲從頭數符隨年

極符一通用緋紙書畢燃為燈心以淨油
一盞點病人牀前三日夜不得絕照破邪
鬼使無動作此法宜詳而用之

召一炁都統大將軍符

太

玉清上帝靈寶天尊 上清帝
太上老君天皇帝君 君救 二

三台

河魁 霹靂左呼 飛天

星君

神君 雷電右行 大聖

五

開天門閉地戶留人門塞鬼路
穿鬼心破鬼肚十方魔王捷疾

將軍一炁都統大將王文亨準令速降

五

一

召呪

吾身上應天真下應地靈何神不伏何令不
行左御青龍右挾白虎前導朱雀後從玄武
謹請一炁都統大將軍隨聲應感速逐惡靈
急急如玄都律令速降速降疾速降

五

敕呪

北帝有將總禦萬靈威雄燥惡食鬼吞精上
衛玄帝下統幽冥玉符所告速至壇庭急急
如北帝律令敕速降速降疾

召春季直月將軍親元符

符直

玉清

上清 太清 玉皇 二

上帝

大帝 大帝 上帝 二

上台一黃桂却不祥中台二白 八大

護身鎮宅下台三青治病除精 三 全剛


元帥有令木木木謹請東方 左

疾速降臨木木木九木之精 侍

仙 右侍 虎頭將軍準

吏 仙吏 虎頭將軍準 敕奉行速降

一



直夏月將軍符

京大

十四



直秋月將軍符



直冬月將軍符

京大


十五



直四季旺餘日將軍符




第一用
第二用前召五符
第三用後催關五符



鍾師虎頭將軍直春七十二日三月十二日

滿文甲




寶耀蓬頭將軍直夏七十二日六月十二日

滿文午




伯拒資寶將軍直秋七十二日九月十二日

滿文酉



兵侯滅魔將軍直冬七十二日十二月十二日

日滿文子



資寶爵額將軍直四季零十八日共七十二日


日




鍾師將軍


京大

十六






寶曜將軍



伯拒將軍



兵侯將軍



貴寶將軍

右前符並依本法內訣目呪炁黃紙朱書
凡直月五將符用關發遣捕生熟精邪於
關上書本月將軍符書時淨其身心絕除
念想向西北上香祝白事意念元帥呪磨
墨取置炁彈斗訣入硯中次以左手指元
帥訣右手執筆念元帥啓請呪鼻引置炁
存入頂中又存七星光芒下注神筆隨炁
而行念元帥呪閉炁朱書存前取頂中置

炁化月直神將下齒唇之間吹入符存為
將軍便袖之勿令人見念元帥呪取置炁
吹關上化神兵千萬數衆森嚴皆在目前
指元帥訣發遣又每篆天蓬真形符變神
及牒都統用之如都統鷹犬蕩妖兇賊邪
孽發時須用先書土地牒篆口敕符安土
地方可用月直五將符關召斥邪用亦可
給佩帶吞服尤妙

推用直月五將符法

春季鍾師夏寶耀秋伯拒冬兵侯每將直七
十二日季餘一十八日寶寶所統或有以日
時用者如甲巳寶寶乙庚伯拒丙辛兵侯丁
壬鍾師戊癸寶耀

推直月五將歌

正四鍾師水皂囊二五寶耀火紅光兵侯十
六青將作三七八十一寶寶黃伯拒金九同
十二仔細看詳定本方

道法會元卷之一百六十一

道法會元卷之一百六十二

京七

召飛鷹符

白紙朱書



召飛鷹符

召走犬符



召走犬符

召二將呪

天蓬門下降魔大仙摧魔伐惡鷹犬當先二
將聞召立至壇前依律奉令神功帝宣魔妖
萬鬼誅戮無蠲太上聖力浩蕩無邊急急奉
北帝律令

凡書鷹符指中指上節大符指四指中節
俱用大呪塗名次念呪存將驅鷹犬入符
念大呪三徧取天門炁入水遣去嚙水一